

## UMSÖGN LANDVERNDAR

um mál nr. S-32/2018

Reykjavík, 21. mars 2018

### **Efni: Umsögn Landverndar um tillögu til þingsályktunar um stefnumótandi byggðaaætlun fyrir árin 2018–2024**

Á samráðsgátt fyrir opið samráð stjórnvalda við almenning, [www.samradsgatt.island.is](http://www.samradsgatt.island.is), birtist 12. mars 2018 tillaga til þingsályktunar um stefnumótandi byggðaaætlun fyrir árin 2018–2024. Samráðsgáttin stendur opin til kl. 16 miðvikudaginn 21. mars.

Landvernd tekur undir þá framtíðarsýn stjórnvalda sem sett er fram í ofangreindri tillögu að Ísland verði í fararbroddi með nútíma innviði, framsækna þjónustu, verðmætasköpun, jöfn lífsgæði og öflug sveitarfélög, sem geta annast staðbundin verkefni, veita íbúum hagkvæma og góða þjónustu og leiða nærsamfélagið til framtíðar.

Ein besta leiðin til að efla sveitarfélög til góðra verka er að mati Landverndar að sameina þau og fækka til muna þannig að þau hafi raunverulega burði til að sinna þeim fjölpættu verkefnum sem þegar er af þeim krafist og munu aðeins vaxa í náinni framtíð. Landvernd hefði kosið að sjá skýrari áherslu á sameiningu sveitarfélaga í þessari stefnumótandi byggðaaætlun, en ekki aðeins áherslu á sameiningu menningar- og rannsóknastofnana.

Þá telur Landvernd að hið fagra markmið um að „landið allt verði í blómlegri byggð þar sem stuðlað er að bættum lífskjörum með jöfnu aðgengi að grunnþjónustu og atvinnutækifærum óháð efnahag og búsetu“ sé erfitt ef ekki ómögulegt að uppfylla, miðað við það fjármagn sem ríki og sveitarfélög hafa úr að spila.

Að öðru leyti gerir Landvernd ekki athugasemdir við stefnuna en óskar stjórnvöldum góðs gengis við að hrinda henni í framkvæmd.

Virðingarfyllt.

F.h. stjórnar Landverndar,

Snorri Baldursson, stjórnarmaður